



Na osnovu člana 46. stav 4. Zakona o Budžetima u Federaciji BiH (Službene novine FBiH 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 12. Zakona o finansijskom upravljanju i kontroli u javnom sektoru u Federaciji BiH (Službene novine Federacije BiH br. 38/16), te tačke 20. Smjernica o minimalnim standardima dodjele budžetskih sredstava putem transfera i subvencija u Federaciji BiH (Službene novine Federacije BiH br. 15/18), Općinski načelnik Općine Ilijaš raspisuje:

#### JAVNI POZIV

za prikupljanje zahtjeva udruženja i nevladinih organizacija radi dodjele sredstava za finansiranje/sufinansiranje iz Budžeta općine Ilijaš za 2024.g.

A/. Pozivaju se udruženja i nevladine organizacije, registrovane u skladu sa važećim propisima, sa sjedištem na području Općine Ilijaš da podnesu zahtjeve za projekte koji će se finansirati/sufinansirati iz sredstava Budžeta općine Ilijaš za 2024. godinu, a u skladu sa slijedećim uslovima :

a) **Udruženja i nevladine organizacije koja okupljaju boračku populaciju**

*1. Za stručnu i pravnu pomoć članstvu u ostvarivanju njihovih statusnih pitanja(administrativno tehničko lice, troškovi prostora, režijski troškovi, kancelarijski materijal)*

- planirani nivo sredstava za raspodjelu 60.000 KM ;
- najniži nivo sredstava koji može biti odobren po apliciranom projektu/programu 500,00 KM ;
- maksimalan iznos sredstava koji može biti odobren po apliciranom projektu/programu 10.000,00 KM.

b) **Udruženja i nevladine organizacije iz oblasti kulture**

- 1. Unaprjeđenje kulturnih aktivnosti i oplemenjivanje kulturnog ambijenta na lokalnom nivou*
- 2. Afirmacija i očuvanje tradicije i promocija kulturne baštine naroda Bosne i Hercegovine*
- 3. Afirmacija muzičkih, likovnih, književnih i dramskih sadržaja i sl., posebno inovativni programi za mlade.*
- 4. Projekti koji doprinose afirmaciji i očuvanju kulturno – historijskog naslijeđa*

- planirani nivo sredstava za raspodjelu 55.000 KM ;
- najniži nivo sredstava koji može biti odobren po apliciranom projektu/programu 1.000,00 KM ;
- maksimalan iznos sredstava koji može biti odobren po apliciranom projektu/programu 10.000,00 KM.

Napomena: Prihvatljivi troškovi projekata u skladu sa obrascem budžeta za kulturu.

**c) Sport**

1. *Stvaranje materijalnih, prostornih, stručnih i organizacionih uslova za razvoj takmičarskog sporta*
2. *Organizovanje sporta za sve, posebno u funkciji zdravlja građana, afirmacije društvenih vrijednosti i prevencije devijantnog ponašanja mladih*
3. *Organizovanje takmičenja školske djece, za dječake i djevojčice sa težnjom na masovnosti*
4. *Projekti koji doprinose jačanju i razvoju sporta i fizičke kulture i organizovanju sportskih takmičenja za koje je iskazan interes općine*
5. *Sport i rekreacija invalida*

planirani nivo sredstava za raspodjelu 250.000 KM koja se po namjeni raspoređuju za:

1. Takmičarske ekipne sportove u iznosu od 162.000 KM;
2. Ekipna takmičenja pionira, kadeta i juniora u iznosu od 20.000 KM;
3. Individualne sportove u iznosu od 60.000 KM;
4. Sport za sve i sportsku rekreaciju u iznosu od 8.000 KM;

najniži nivo sredstava koji može biti odobren po apliciranom projektu/programu 1.000,00 KM ;

maksimalan iznos sredstava koji može biti odobren po apliciranom projektu/programu 85.000,00 KM.

Napomena: Prihvatljivi troškovi projekata u skladu sa obrascem budžeta za sport.

**d) Ostali projekti**

1. *Omladinski aktivizam, volonterski rad, zaštita životne sredine, kultura življenja, projekti za očuvanje, čišćenje i zaštitu prirode (Projektni prijedlozi koji se odnose na omladinski aktivizam moraju biti u skladu sa akcionim planom Strategije prema mladim Općine Ilijaš )*

planirani nivo sredstava za raspodjelu 10.000 KM ;

najniži nivo sredstava koji može biti odobren po apliciranom projektu/programu 500,00 KM ;

maksimalan iznos sredstava koji može biti odobren po apliciranom projektu/programu 2.000,00 KM.

B/. Prijava na javni poziv treba da sadrži:

- Popunjen aplikacioni obrazac čiji **sastavni** dio čini obrazac budžeta projekata (obrazac preuzeti na [www.ilijas.ba](http://www.ilijas.ba) ili općinskom Info pultu)
- rješenje o registraciji (ovjerena kopija)
- uvjerenje o poreskoj registraciji-identifikacijski broj (ovjerena kopija)
- uvjerenje o izmirenim poreskim obavezama (Poreska uprava) (original ili ovjerena kopija)

- Kopija ugovora s bankom o otvaranju transakcijskog računa ili potvrda o otvaranju transakcijskog računa
- broj članova (dokaz-revidirani spisak članova ne stariji od godinu dana, a za sportska udruženja potvrda matičnog saveza kod kojeg je klub registrovan za takmičenje o broju registrovanih takmičara (ovjerena kopija)
- kopija Statuta za udruženja koja prvi put apliciraju za sredstva iz Budžeta Općine Ilijaš i za udruženja koja su u prethodnoj godini imala izmjene Statuta (ovjerena kopija)
- Plan rada i Budžet projekta/programa za 2024.godinu (usvojen od Upravnog odbora)
- izvještaj o radu i finansijski izvještaj za 2023.godinu (usvojen od Upravnog odbora)
- potvrda resorne službe o urednom dostavljanju izvještaja o utrošku odobrenih sredstava iz Budžeta općine Ilijaš za 2023.g. (Služba dostavlja Komisiji za selekciju i ocjenu).
- dokaz da je stručni rad u sportskoj organizaciji usklađen sa zakonskim odredbama, u skladu sa članom 18. i 33. Zakona o sportu-prečišćeni tekst ("Službene novine Kantona Sarajevo" broj: 45/12) (dokaz: diploma i trenerska licenca)
- ime osobe odgovorne za realizaciju projekta (dokaz-odluka)
- dokaz da se omladinsko udruženje nalazi na općinskom popisu omladinskih udruženja ;
- Ovjerena izjava – sukob interesa (obrazac preuzeti na općinskom Info pultu).

NAPOMENA : Udruženja i nevladine organizacije koja apliciraju sa više projekata, u jednoj zapečaćenoj koverti dostavljaju jedan set obavezne dokumentacije, a za svaki naredni aplicirani projekat u posebnoj koverti dostavljaju pupunjen aplikacioni obrazac i obrazac budžeta.

Na poledini koverta obavezno naznačiti naziv aplikanta, adresu i kontakt telefon ovjeren pečatom.

C/. Zahtjevi po javnom pozivu dostavljaju se u zapečaćenoj koverti na protokol Općine Ilijaš, ul.126 ilijaške brigade br.6, 71 380 Ilijaš sa naznakom "Prijava na Javni poziv za prikupljanje zahtjeva udruženja i nevladinih organizacija radi dodjele sredstava za finansiranje/sufinansiranje iz Budžeta općine Ilijaš za 2024.g. i naznakom oblasti sa krajnjim rokom 04.03.2024.godine do 16:00 sati. ,

Konkurs će biti objavljen u na web stranici Općine Ilijaš i oglasnoj ploči Općine Ilijaš.

Neblagovremene i nepotpune aplikacije neće se uzeti u razmatranje.

D/. Projekti neće biti finansirani, ako :

- nisu resornoj Službi dostavili izvještaj o utrošku sredstava iz Budžeta Općine Ilijaš za 2023.g. ;

- imaju za cilj Sponzorisanje za sudjelovanje u radionicama, seminarima, konferencijama ;
- obavljanje kurseva i treninga ;
- obuhvataju rekonstrukciju i izgradnju objekata ;
- podržavaju na bilo koji način djelovanje političkih subjekata ;
- podrazumijeva upošljavanje lica ;
- plaćanje troškova zakupa kancelarijskog prostora;
- isplate naknada za rad predsjednika i podpredsjednika ;
- isplate naknade za rad upravnog odbora, kao i drugih radnih tijela (komisije, i dr.) udruženja;
- troškove reprezentacije predsjednika i drugih funkcionera u udruženju.

#### E. /Sukob interesa

- Članovi komisije za ocjenu i selekciju prijave prije početka rada potpisuju izjavu o nepristrasnosti i povjerljivosti, te o nepostojanju sukoba interesa. Svaki član Komisije će biti isključen iz postupka dodjele ako se utvrdi da je u sukobu interesa u odnosu na podnosioca prijave, a podnosioci prijave imaju pravo prijaviti sumnju na postojanje sukoba interesa o kojim će davalac budžetskih sredstava odlučivati pojedinačno po svakoj prijavi.
- Podnosioci prijave se obavezuju da uz prijavu na javni poziv dostave ovjerenu izjavu u kojoj će navesti da se odgovorno lice za zastupanje i predstavljanje Udruženja i interesno povezana lica ne nalaze u sukobu interesa u smislu odredbi Zakona o prevenciji suzbijanja korupcije u Kantonu Sarajevo ("Službene novine Kantona Sarajevo", br. 35/22).

#### F/ Kriteriji za ocjenu

U skladu sa Odlukom o izvršavanju budžeta Općine Ilijaš za 2024. godinu odabir projekata i programa za finansiranje će izvršiti Komisije za selekciju i odabir projekata i programa imenovane od strane Općinskog načelnika, a u skladu sa sljedećim dokumentima :

- a) Pravilnik o kriterijima, načinu i postupku raspodjele sredstava iz tekućeg granta „Transferi udruženjima građana – ratna udruženja“ koji se finansiraju sredstvima Budžeta općine Ilijaš
- b) Pravilnik o kriterijima, načinu i postupku raspodjele sredstava iz tekućeg granta za programe iz oblasti kulture koji se finansiraju i sufinansiraju sredstvima Budžeta općine Ilijaš broj: 07-40-730/13 od 11.04.2013 godine
- c) Pravilnik o kriterijima za finansiranje javnog interesa Općine Ilijaš u oblasti sporta broj: 01/2-07-40-2534/12 od 17.12.2012.godine
- d) Odluka o kriterijima, načinu i postupku raspodjele sredstava iz granta za projekte mladih koji se finansiraju i sufinansiraju sredstvima Budžeta općine Ilijaš broj: 01/1-02-955-5/11 od 22.02.2011. godine

Sa odabranim aplikantima(korisnicima sredstava) sklopit će se ugovor o odobravanju sredstava za finansiranje programa ili projekata u roku od 15. dana od dana donošenja odluke o dodjeli budžetskih sredstava. Sastavni dio Ugovora je odobreni budžet projekta/programa.

Ukoliko nivo odobrenih sredstava traženih putem aplikacije je veći od iznosa iz aplikacije aplikanta, od aplikanta (korisnika sredstava) zatražit će se da naknadno dostavi korigovani budžet projekta/programa u skladu sa odobrenim nivoom sredstava, a prije potpisa ugovora.

O rezultatima po podnesenim aplikacijama učesnici će biti obaviješteni.

Kontakt : Služba za društvene djelatnosti i poslove mjesnih zajednica  
– 033 580 690

Služba za opću upravu, boračko-invalidsku i socijalnu zaštitu  
– 033 580 640

Broj : 01 / 2 – 11 – 495 / 24  
Ilijaš, 23.02.2024.godine

OPĆINSKI NAČELNIK



Aktif Fazlić, dipl.ecc